

祀音刺棘

上七陽反

下各力反禰

上音輒斲

下側瘦反

四分律藏卷第三十一

此等二十卷

唱一

姚秦三藏佛陀耶舍共竺佛念譯

第二分受戒捷度之一

我曾聞有作如是說古昔有王最初出世名大人衆所舉時王有太子名善王善王有太子名樓夷樓夷王有子名曰齊王齊王有子名頂生頂生王有子名遮羅遮羅王有子名跋遮羅跋遮羅王有子名微微王有子名微麟陀羅微麟陀羅王有子名鞞醯黎肆鞞醯黎肆王有子名舍迦陀舍迦陀王有子名樓脂樓脂王有子名修樓脂修樓脂王有子名波羅那波羅那王有子名摩訶波羅那摩訶

波羅那王有子名貴舍貴舍王有子名摩訶貴舍摩訶貴舍王有子名善現善現王有子名大善現大善現王有子名無憂無憂王有子名光明光明王有子名黎那黎那王有子名彌羅彌羅王有子名末羅末羅王有子名精進力精進力王有子名牢車牢車王有子名

名十車十車王有子名百車百車王有子名堅弓堅弓王有子名十弓十弓王有子名百弓百弓王有子名能師子能師子王有子名真闍

從真闍王次第已來有十轉輪聖王種族一名伽菟支二名多樓毗帝三名阿濕卑四名軋陀羅五名伽陵迦六名瞻鞞七名拘羅婆八名般闍羅九名彌悉梨十名懿師摩伽菟支次第相承五王多樓毗帝次第第五王阿濕卑七王軋陀羅八王伽陵迦九王瞻鞞十王四拘羅婆三十一王般闍羅三十二王彌悉梨次第八萬四千王懿師摩王

次第百王從懿師摩王後有王名大善生大善生王有子名懿師摩懿師摩王有子名優羅陀優羅陀有子名瞿羅瞿羅有子名尼浮羅尼浮羅有子名師子頰師子頰有子名悅頭檀悅頭檀有子名菩薩菩薩有子名羅睺羅北方國界雪山側釋種子生處豪族父母

真正眾相具足適生已時諸相師婆羅門皆共占相記言大王此兒有三十二大人之相有此相者必趣二道終無老錯

若不出家當為利利水澆頭轉輪聖王能勝一切主四天下名為法王為眾生故而作自在七寶具足所謂七寶者一輪寶二象寶三

馬寶四珠寶五王女寶六主藏臣寶七典兵寶有千子滿足雄猛勇健能却眾敵從海內諸地不加刀杖自以已力正法治化無所畏懼不行王事所為自在不為怯弱若當出家入非家者當成無上正真等正覺明行足為善逝世間解無上士調御丈夫天

人師佛世尊彼於魔眾梵眾沙門婆羅門眾天及人眾自身作證而自娛樂與眾生說法上善中善下善有義味具足開現梵行時摩竭王萍沙備慮邊國遣人處處衛邏時王聞邏人所說北方國界雪山側有釋種子生處豪族父母真正有三十二大人之相相師占

相如上所說時邏人往至王所白王言大王當知北方國界雪山側有釋種子生處豪族父母真正有三十二大人相如上所說王今宜設方便除去彼人若不尔者恐後必為王作害亡國失土將由此起王報言何得除去若彼不出家者當為利帝利水澆頭轉輪聖

王七寶具足領四天下所為自在無所怯弱我當臣屬給使設當出家學道者必成無上至真等正覺為人說法上中下言悉善我當為其作弟子尔時菩薩漸漸長大諸根具足於閑靜處作是念今觀此世間甚為苦惱有生有老有病有死死此生彼以此身故不盡

唱一

三

苦際如此苦身何可得盡時菩薩年少髮紺青色顏貌殊特年壯盛時心不樂欲父母愁憂涕泣不欲令出家學道時菩薩強違父母輒自剃鬚髮著袈裟捨家入非家今時菩薩漸漸遊行從摩竭國界往至羅閱城放彼山宿明日清旦著袈裟持鉢入羅閱城乞食顏

貌端正屈伸俯仰行步庠序視前直進不左右顧眄著衣持鉢入羅閱城乞食時摩竭王在高樓上諸臣前後圍遶王遙見菩薩入城乞食屈伸俯仰行步庠序視前直進不左右顧眄見已即向諸大臣以偈讚曰
汝等觀彼容 聖行爲最勝 相好甚嚴好

非是下賤人 諦視不顧眄 視地而前進
王即遣信問 比丘欲所詣 王所遣使人
隨逐比丘後 比丘欲所至 造詣何所宿
家家遍乞已 諸根寂然定 鉢飯速滿已
志意常悅豫 時乞食得已 聖還出城住
山石班荼婆 當於彼止宿 已知彼宿處

一使在邊住 一使速還返 白王如是事
大王此比丘 今宿班荼山 坐卧如師子
如虎在於山 王聞彼使言 即嚴好象乘
衆人共尋從 即往禮菩薩 到彼問訊已
即在一面坐 共相問訊已 復作如是說
今觀年盛壯 衆行甚清淨 應乘此大乘

羣臣侍從好 顏貌甚端正 必從利利生
我今與汝對 願說所生處 有國大王治
今在雪山北 父姓名爲日 生處名釋迦
財寶伎術具 父母俱真正 捨彼行學道
不樂處五欲 觀欲多衆惱 出離永安隱
要求滅欲處 是我心所樂

時王語太子言今可於此住當分半國相與菩薩報言我不從此語時王復重語言汝可作大王我今舉國一切所有及脫此寶符相與可居王位治化我當爲臣時菩薩報言我捨轉輪王位出家學道豈可貪於邊國王位而處俗耶王今當知猶如有人曾見大海水

唱一

四

後見牛跡水豈可生染著心此亦如是豈可捨轉輪王位習粟散小王位此事不然時王前白言若成無上道者先詣羅閱城與我相見菩薩報言可尔尔時王即從座起禮菩薩足遶三匝而去

時有人名阿藍迦藍於衆人中爲師首與諸

弟子說不用處定時菩薩至阿藍迦藍所問言汝今以何等法與諸弟子說令得證報言瞿曇我與諸弟子說不用處定令其得證時菩薩便作是念阿藍迦藍而無有信我今有信阿藍迦藍無有精進我今有精進藍無智慧我有智慧藍今以此法得證而況我不靜

坐思惟以證智慧我今寧可勤精進證此法耶彼即勤精進不久得證此法時菩薩得證已往阿藍迦藍所語言汝但證此不用處定爲人說耶報言我正有此法更無有餘菩薩報言我亦證此不用處定而不爲人說阿藍迦藍問言瞿曇汝正有此不用處定而不爲

人說耶我亦證不用處定爲人說瞿曇如我所知汝亦知之汝所知者我亦知之汝似我我似汝瞿曇寧可共知僧事耶時阿藍迦藍極生歡喜恭敬心承事菩薩以之爲四正與我等時菩薩復作是念此不用處定非息滅非去欲非滅盡非休息非成等正覺非沙門

唱一

五

非得涅槃寂之趣不樂此法便捨阿藍迦藍而去更求勝法

時有鬱頭藍子處大衆中而爲師首其師命終後教師諸弟子與說有想無想定時菩薩往鬱頭藍子所問言汝師以何等法教諸弟子報言我師以有想無想定教諸弟子時菩薩念言藍今無信而我有信藍無精進我有精進藍無智慧我有智慧藍證此法而爲人說況我不證此法我今寧可勤精進證此法即勤精進不久得證此法時菩薩往至鬱頭藍弗所問言汝正有此有想無想定更有餘法耶報言瞿曇我正有此法更無餘法菩薩

報言我亦證此有想無想定彼問菩薩言汝正有此有想無想定耶我師藍亦有此有想無想定作證我師知者汝亦知之汝所知者藍亦知之汝似藍藍似汝瞿曇今可共知僧事時鬱頭藍子極發歡喜心承事菩薩推著師趣而師事之尔時菩薩復作是念我觀此有想無想定處非息滅非無欲非休息非滅盡非沙門非涅槃永寂之處不樂此法便捨鬱頭藍子而去更求勝法時菩薩更求勝法者即無上休息法也

從摩竭界遊化南至象頭山詣鬱毗羅大將林中見一淨地平正嚴好甚可娛樂生草柔軟悉皆右旋浴池清涼流水清淨園林茂好周遍觀之左右村落人民眾多見已便生念言夫為族姓子欲求斷結處此是好處我今求斷結處此處即是我今寧可於此處坐而斷結使時有五人追逐菩薩念言若菩薩成道當與我等說法尔時鬱鞞羅有四女一名

婆羅二名鬱婆羅三名孫陀羅四名金婆伽羅皆繫心菩薩所若使菩薩出家學道我等當為弟子若菩薩不出家學道在家習俗者我等為妻妾時菩薩即於彼處六年苦行雖尔猶不證增上聖智勝法尔時菩薩自念昔在父王田上坐閻浮樹下除去微心惡不善

習一

六

法有覺有觀喜樂一心遊戲初禪時菩薩復作是念頗有如此道可從得盡苦原耶復作是念如此道能盡苦原時菩薩即以精進力修習此智從此道得盡苦原時菩薩復作是念頗因欲不善法得樂法不復作是念不由欲不善法得樂法復作是念頗有習無欲捨不善法得樂法耶然我不由此自苦身得樂法我今寧可食少飯麩得充氣力耶尔時菩薩於異時食少飯麩得充氣力時菩薩食少食時五人各各厭捨而去自相謂言此瞿曇沙門狂惑失道豈有真實道耶時菩薩氣力已充復詣尼連禪水側入水洗浴身已出水

上岸往菩提樹下時去樹不遠有一人刈草名曰吉安菩薩前至此人所語言我今須草見惠少多吉安報曰甚善不爲愛惜即授草與菩薩菩薩持草更詣一吉祥樹下自敷而坐直身正意繫念在前時菩薩除欲愛惡不善法有覺有觀喜樂一心遊戲初禪是謂菩薩最初得勝善法何以故由繫意專念不放逸故時菩薩除有覺有觀得內信喜樂一心念無覺無觀遊戲二禪是謂菩薩得此二勝善法何以故由繫意專念不放逸故時菩薩除去喜身受快樂得聖智所見護念樂遊戲三禪是謂得三勝法何以故由繫意專念不放逸故時菩薩已捨苦樂先已去憂喜無苦無樂護念清淨遊戲四禪是謂菩薩得此四勝法何以故由繫意專念不放逸故時菩薩得此定意諸結使除盡清淨無瑕穢所行柔軟住堅固處證宿命智自識宿命一生二生三生四生五生十生二十生三十生四十生

五十生百生千生百千生無數百生無數千生無數百千生劫成劫敗天數劫成無數劫敗無數劫成敗我曾生某處字某姓某如是生食如是食壽命如是壽命限齊如是住世長短如是受如是苦樂從彼終生彼從彼終復生彼從彼終生此如是相貌識無數宿命事時菩薩於初夜得此初明無明盡明生闇盡光生所謂宿命通證何以故由精進不放逸故時菩薩復以三昧定意清淨無瑕無結使衆垢已盡所行柔軟住堅固處知衆生生者死者以清淨天眼觀見衆生生者死者善色惡色善趣惡趣若貴若賤隨衆生所造行皆悉知之即自察知此衆生身行惡口行惡意行惡邪見誹謗賢聖造邪見業報身壞命終墮地獄畜生餓鬼中復觀衆生身行善口行善意行善正見不誹謗賢聖造正見業報身壞命終生天上人中如是天眼清淨觀見衆生生者死者隨所造行是謂菩薩中夜得

此第二明無明盡明生闇盡光生是謂見衆生天眼智何以故由精進不放逸故時菩薩得如是清淨定意諸結除盡清淨無瑕穢所行柔軟所住堅固得漏盡智而現在前心緣漏盡智如實諦知苦知苦集知苦盡知苦盡向道以得聖諦如實知之如實知漏知漏集

漏盡向道如實知之彼作如是知如是觀於欲漏意解脫有漏意解脫無明漏意解脫已解脫得解脫智我生已盡梵行已立所作已辦更不復受生是謂菩薩後夜獲此三明無明盡明生闇盡光生是謂漏盡智何以故由如來至真等正覺發起此智得無礙解脫故

唱一

八

識欲令彼得度即往至賈人所語言汝等知不釋迦文佛如來等正覺於七日中具足諸法於七日中未有所食汝等可以蜜麩奉獻如來令汝等長夜得利益安隱快樂尔時兄弟二人聞樹神語已歡喜即持蜜麩往詣道樹遙見如來顏貌殊異諸根寂定最上調伏

如彼調象無有卒暴如水澄清無有塵穢見已發歡喜心於如來所前至佛所頭面禮已在一面立時二人白世尊言今奉獻蜜麩慈愍納受時世尊復作如是念今此二人奉蜜麩當以何器受之復作是言過去諸佛如來至真等正覺以何物受食諸佛世尊不以手受食也時四天王立在左右知佛所念往至四方各各人取一石鉢奉上世尊白言願以此鉢受彼賈人麩蜜時世尊慈愍故即受四天王鉢令合爲一受彼賈人麩蜜受彼賈人麩蜜已以此勸諭而開化之即呪願言

唱一

九

必獲其利義 若爲樂故施

後必得安樂

汝等賈人今可歸依佛歸依法即受佛教言
大德我今歸依佛歸依法是為優婆塞中最
初受二歸依是賈客兄弟二人為首時二賈
人白佛言我今從此欲還本生處若至彼間
當云何作福何所禮敬供養時世尊知彼至
意即與髮爪語言汝等持此往彼作福禮敬
供養時賈人雖得髮爪不能至心供養言此
髮爪世人所賤除棄之法云何世尊持與我
等供養時世尊知賈人心中所念即語賈人
言汝等莫於如來髮爪所生毛髮許懈慢心
亦莫言世人所賤云何如來使我供養賈人
當知普天世界魔眾梵眾沙門婆羅門眾天
及人於如來髮爪興供養恭敬令一切諸天
世人魔眾梵眾及沙門婆羅門眾得其功德
不可稱計賈人白佛言設供養此髮爪有何
證驗
佛告賈人言過去久遠世時有王名曰勝怨

統領閻浮提奈時閻浮提內米穀豐熟人民
熾盛土地極樂有八萬四千城郭有五十五
億村有六萬小國土時勝怨王所住治城名
蓮華東西十二由旬南北七由旬土地豐熟
米穀平賤人民熾盛國土安樂園林茂盛城
墜牢固浴池清涼眾事具足階陌相當賈人
當知時王勝怨有婆羅門為大臣名曰師闍
浮婆提是王少小周旋極相親厚後於異時
王即分半國與此大臣時彼大臣所得國分
即於中更起城郭東西長十二由旬南北廣
七由旬米穀豐賤人民熾盛國土安樂園林
茂盛城墜牢固浴池清涼眾事具足街陌相
當城名提婆婆提勝彼蓮華城邑賈人當知
其王無有繼嗣以無嗣故向諸神祀眾流山
原河水浴池滿善神寶善神日月帝釋梵天
火神風神水神魔醯首羅神園神林神市神
四微巷神鬼母母城神天祀福祀所在求請
願生男兒於異時王第一夫人懷妊婦人有

唱一

十

三種智慧如實不虛一自知有身二自知後
某甲許得三知男子有愛心於我時彼夫人
往白王言大王當知我今懷妊王報言大善
即勅左右供給供養第一飲食衣服卧具一
切所須皆加一倍至十月滿已生一男兒端
正無比世之希有始生在地無人扶持自行

七步而說此言我於天上世間最上最尊我
當度一切衆生生老病死苦即号曰定光菩
薩賈人當知尔時國王即召婆羅門中善明
相法者告言汝等當知我夫人生一男兒顏
貌端正世之希有始生出胎無人扶持自行
七步而說此言我於天上世間最上最尊能

度一切衆生生老病死苦汝等善明相法與
我占相時相師白王言願王出此兒令我等
相之時王即自入宮抱兒出視之令相諸相
師相已白王言王生此兒有大威神有大功
德福願具足若此王子在家者應作利利水
澆頭轉輪王七寶具足領四天下千子滿足

勇健雄猛能却衆敵以法治化不加刀杖若
出家者成如來至真等正覺明行足爲善逝
世間解無上士調御丈夫天人師佛世尊天
及人魔若魔天梵天沙門婆羅門自身作證
而自遊戲彼當說法上善中善下善有義有
味具足修梵行賈人當知尔時王賞賜婆羅

四

十一

門已差四乳母扶持瞻視定光菩薩一者服
節乳母二者洗浴乳母三者與乳乳母四者
遊戲乳母服節乳母者抱持案摩服節迴戾
令正洗浴乳母者洗身浣濯衣服與乳乳母
者隨時與乳遊戲乳母者諸童子等乘象乘
馬乘車乘輿諸雜寶器樂器轉機關作如是
種種供養之具供養娛樂定光菩薩擊孔雀
蓋從之賈人當知定光菩薩年向八歲十歲
時王教菩薩學種種伎術書算數印畫戲笑
歌舞鼓絃乘象乘馬乘車射御搆力一切伎
術無不貫練賈人當知定光轉年至十五十
六時王即爲設三時堂冬夏春給二萬姝女

使娛樂之與作園池縱廣二千由旬現閻浮提一切華果樹香樹諸奇異樹盡植之於園賈人當知首陀會天日來侍衛作是念言今菩薩在家已久我今寧可爲作猷離菩薩得猷離已早得出家剃除鬚髮著袈裟修無上道耶伺菩薩入後園時即往化作四人一者

老二者病三者死四者出家作沙門時菩薩見此四人已極懷愁憂猷患世苦觀世如是有何可貪賈人當知尔時菩薩得猷離已即日出家即日成無上道

賈人當知定光如來至真等正覺遍觀一切未見有應度可爲轉無上法輪者時定光如來去提婆跋提城不遠化作一大城高廣妙好懸繪幢幡處處刻鏤作衆鳥獸形周匝淨妙浴池園果勝於提婆跋提城化作人民顏貌形色亦勝彼國人民使已國人民共與往來交接爲親友賈人當知定光如來觀察提婆跋提城人民諸根絕淑即使化城忽尔火

然時提婆跋提城人見此已極懷愁憂猷離心生定光如來於七日之中度六十六那由他人五十五億聲聞賈人當知尔時定光如來有大名稱流布十方莫不聞知皆共稱言定光如來至真等正覺明行足爲善逝世間解無上士調御丈夫天人師佛世尊普天世

唱

十二

界魔若魔天梵衆沙門婆羅門天及人自身作證而自娛樂與人說法上中下言悉善有義有味具足修梵行賈人當知定光如來凡常身光照一百由旬諸佛世尊常法光照無量還攝光時餘光七尺賈人當知時勝怨王聞王提閻婆提宮中生一太子福德威神衆相具足即日出家即日成無上正真等正覺道名聞遠布皆共稱言定光如來至真等正覺乃至具足修梵行勝怨王即遣使往與提閻婆提王相聞知卿生太子福德威神衆相具足即日出家即日成道乃至具足修梵行有大名稱流布十方今可遣來吾欲看之若

卿不遣來者吾當身自往彼時提闍婆提王聞此使語已即懷愁憂集諸羣臣語言汝等思惟當以何報作何等方宜稱可彼意諸臣答言當問定光如來隨佛有所言教我等當順從行之時王提闍婆提與諸羣臣即往定光佛所頭面禮足以此因緣具白世尊世尊

告王言王今且止勿懷愁憂我自當往彼賈人當知時王提闍婆提自於其國七日供養定光如來衣服飲食牀卧具病苦醫藥及比丘僧不令有乏賈人當知定光如來過七日後與諸比丘人間遊行經詣藥山龍王池邊賈人當知此龍王宮縱廣五百由旬唱一時定

光如來及比丘僧在彼山住時定光如來放大光明普照三千大千刹土晝夜不別若憂鉢鉢頭摩鳩勿頭分陀利華等合鳥獸不鳴則知是夜若憂鉢鉢諸華開及諸衆鳥獸鳴者則知是晝如是經歷十二年中晝夜不別時勝怨王即集諸大臣告言自憶昔日有晝有

夜如今何故無晝無夜若憂鉢鉢衆華開及衆鳥獸鳴則知是晝若華合鳥不鳴則知是夜爲世間有非法爲我行者闕汝等有過耶以誠告我諸臣白言王亦無咎國無非法我等無過今定光如來在呵梨陀山上龍王宮放大光明普照三千大千刹土是其威神令晝夜不別欲知晝夜者華合鳥不鳴則知是夜若華開鳥鳴者則知是晝王亦無咎國無非法我亦無過此是定光如來威神不足畏懼王問左右臣呵梨陀山龍王宮去此遠近臣白王言去此不遠可三十里王勅左右嚴駕羽寶之車今欲往彼禮拜定光如來左右即承教嚴駕羽寶車已前白王言嚴駕已辦王知是時賈人當知王即乘車諸臣侍從詣呵梨陀山龍王宮所到已齊不乘車處下車步進前至龍王宮賈人當知時王遙見定光如來顏色端正諸根寂定見已發歡喜心即前至定光佛所頭面禮足已在一面坐時世尊

漸與王說微妙法勸令歡喜時王聞佛說微妙法勸令歡喜已前白佛言如來今正是時應入蓮華城時定光如來默然受王請時勝怨王知佛默然受請已便從坐起頭面禮足而去還至國界告勅人民汝等從蓮華城至藥山掘地至膝以杵擣令堅以香汁灑地左

右道側種植種種華道側作欄楯然好油燈安置其上作四寶香爐金銀瑠璃玻瓈時諸人民受王教令已如上所說時王即集大臣告言汝等莊嚴此蓮華大城除去糞土石沙穢惡以好細土泥塗其地懸繒幡蓋燒種種好香復敷種種毼毼以種種好華布散其地

唱一

十四

時諸臣即受王教如勅莊嚴時勝怨王復告諸大臣告下國土人民莫使有賣香華者若有賣者莫使有買者若有賣買者當重罰何以故我自欲供養定光如來至真等正覺故尔時彼國有一大臣婆羅門名曰祀施多饒財寶真珠琥珀碑磔碼碯水精金銀琉璃珍

奇異寶不可稱計時彼婆羅門十二年中祠祀若彼祠祀衆中有第一多智慧者當以金鉢盛滿銀粟或以銀鉢盛滿金粟并金澡瓶極妙好蓋履屣及二張好氍毹衆寶雜廁杖并莊嚴端正好女名曰蘇羅婆提與之時彼祠祀衆中第一上座一大婆羅門是王大臣有

十二醜偃偻凸瘠瘦黃色黃頭眼青鋸齒齒黑手脚曲戾身不與人等凸醜賈人當知彼祀施婆羅門作是如念今此上座有十二醜復是王臣云何以我寶物并女與此人耶復作此念我今寧可更延祀日若要有端正聰明智慧婆羅門者我當與之賈人當知雪山南

有一仙人名曰珍寶少欲樂閉心無所貪修習禪定獲五神通教授五百梵志使令誦習時五通仙人有第一弟子名曰彌却父母真正七世清淨亦復教授五百弟子賈人當知時弟子彌却往至珍寶仙人所白言我今所學者已達當更學何等

唱一

十五

時彼珍寶仙人即更自造經書一切婆羅門所不能知造已告弟子言汝可誦習之此書諸沙門婆羅門所無有者設誦習者於諸婆羅門中可得最勝第一賈人當知尔時彼弟子即學習此書誦利已往至珍寶仙人所自言所學已訖當更習何等師告言汝若誦竟夫為弟子應報師恩汝今當報即問言云何當報師恩師報言須五百金錢時彌却聞師語已將五百弟子雪山南人間遊行從國至國從村至村漸至蓮華城聞諸人言耶若達婆羅門十二年中祠祀天神若有聰明第一者當以金鉢盛銀粟銀鉢盛金粟并金澡瓶及好蓋極好氈七寶雜器杖莊嚴蘇羅婆提端正好女與之我今寧可入彼眾中或能得彼五百金錢賈人當知彌却即入彼祀中當入時有大威神光明時耶若達婆羅門作是念此人來入祠祀有大威神光明今必當移上座去以此摩納安置其處若此摩納得上

座處坐者汝等當如我所作皆共高聲稱善作眾伎樂散華燒香恭敬禮事時諸人等即受教言可尔當如教為之時彌却摩納入彼眾已從下而問汝等誦何等經書誦得幾許隨所誦多少者報言我誦尔許於摩納所誦百倍萬倍巨億萬倍不可為此不如摩納次問二三人乃至百千人汝等誦何等知何經書所誦得幾許隨所誦報言我等誦尔所於摩納所誦百倍萬倍巨億萬倍不相為比次問第一上座汝知何經書誦得幾許其人隨所誦多少報言我誦尔所彌却摩納復勝於彼時彌却摩納語言我所誦知者出過汝上即語其人言汝去我坐汝處上座報言汝莫使我移我設於此得好供養及金寶兩倍與汝彌却摩納報言正使滿闍浮提七寶與我者我終不取汝但移去何以故我有此法應坐此座賈人當知時彼彌却摩納移彼上座即自坐之當移坐時地六種震動即共高聲

唱一

十六

稱善作衆伎樂華香供養賈人當知彼耶若
達極懷歡喜自慶無量金鉢盛銀粟銀鉢盛
金粟金蓋七寶廁杖金銀澡瓶極妙好氎莊
嚴好女至彌却摩納前白言唯願受此衆寶
物并受此好女彌却報言我不須是即問言
欲須何等報言我須五百金錢即以五百金
錢與之賈人當知時彌却摩納取此五百金
錢已從坐起而去時蘇羅婆提女亦隨而去
時彌却摩納還顧語女言汝何故隨我後行
女報言父母遣我與君作妻彌却摩納報言
我今修梵行不須汝若有愛欲者乃須汝耳
時彼女即還入父國中園中有清淨浴池池
中有七莖蓮華五華共一莖香氣芬馥華色
殊妙復有二華共一莖其香色殊妙見已便
生此念我今觀此華極爲妙好我今寧可採
此華與彌却摩納令心喜悅即採華置水瓶
中出國外遍求彌却摩納時彌却摩納還入
鉢摩大國見國內人民掃除道路除去不淨

以好土填治平正以華布地香汁灑之懸繒
幡蓋敷好氎氎見已問城中行人言今觀此
城嚴好乃尔爲用歲節爲用星宿吉日而修
治如是耶行人報言今定光佛當來入城以
此故修治如是

彌却摩納心念言我今宜可以五百金錢買

唱一

七

好華髮好香好伎樂幢幡好蓋先當持用供
養定光如來後當更與師求財即於彼鉢摩
國所可求買者皆不可得何以故勝怨王制
重故時蘇羅婆提女遙見彌却摩納來語言
年少何故行步速疾汝有所須耶即報女言
是我須好華問言摩納用華作何等報言我
欲作佛種無上根栽其女問言此華已萎枯
色變不可復種云何由此作佛種無上根栽
摩納報言女言此田良美正使此華枯色變
種子焦爛種之故生耳其女報言汝可取此
華去作佛種無上根栽摩納報言若受我價
賣與我者我當取之其女報言摩納何以惜

我財物我父名耶若達自多饒財寶摩納欲
買華者與我作要誓所生之處常與我作夫
耶摩納報言我行菩薩道一切無所愛惜有
人乞者乃至骨肉不惜唯除父母但恐汝當
與我作礙其女報言汝所生處必有大威神
我亦有威神欲以我施隨汝與之時以五百

金錢買五莖蓮華餘二莖華與彌却摩納言
此是我華寄汝上定光如來何以故願與汝
所生之處常不相離賈人當知尔時彌却摩
納得此七莖華已極懷歡喜不能自勝即詣
城東門當尔時不可數億千衆生皆持華香
懸繒幡蓋作衆伎樂待定光如來時彌却摩
納欲前散華而不能得前即還問勝怨王言
汝以何故修治城內爲用歲節會日爲用星
宿吉日而莊嚴國上妙好乃尔時王報言
今有定光如來當入城是故治之耳摩納問
王言云何得知如來三十二相耶王報言諸
婆羅門書識所記是故知之耳摩納報言若

尔者我誦此書明知是事王言汝若審知者
先可往瞻三十二相然後我當見之賈人當
知尔時摩納聞王語已歡喜不能自勝即往
城東門外時衆多人見摩納來歡喜皆與
開道何以故承王命故賈人當知時摩納遙
見如來心中歡喜即以七莖華散定光如來

唱一

十八

上佛以威神即於空中化作華蓋廣十二由
旬莖在上葉在下香氣馥芬普覆其國無不
周遍視之無狀佛所遊行華蓋隨從時城中
人民男女盡脫新衣敷地時摩納所被二鹿
皮衣脫一敷地時城中人捉此皮衣擲棄時
摩納心自念言定光如來不見愍念時定光
如來即知彼心所念化地作泥無人能敷衣
置上者賈人當知摩納復作是念城內人愚
癡無所分別所應敷處不敷即持鹿皮衣敷
彼泥中然不淹泥賈人當知摩納髮五百歲
常纏未曾解摩納即問如來不審世尊能蹈
我髮上過耶報言能摩納即解纏髮以布泥

上心發願言若今定光如來不授我剃者我當於此處形枯命終終不起也時定光如來知此摩納至心宿植善根衆德具足以左右蹈髮上而過語言摩納汝還起汝於當來無數阿僧祇劫号釋迦文如來至真等正覺明行足爲善逝世間解無上士調御丈夫天人師佛世尊聞此劫已即踊在空中去地七多羅樹髮猶布地如故賈人當知時定光如來至真等正覺右顧猶如大象王告諸比丘汝等莫以足蹈摩納髮上何以故此是菩薩髮一切聲聞辟支佛所不應蹈上時數千巨億萬人皆散華燒香供養其髮賈人當知時勝

唱一

十九

怨王大臣十二醜者聞定光如來授摩納剃号尋往至勝怨王所白言我能堪任二萬歲中供養定光如來及衆僧衣被飲食牀卧具病瘦醫藥王報婆羅門言汝意快哉宜知是時時此婆羅門於二萬歲中供養定光如來及比丘僧衣服飲食牀卧具病瘦醫藥已發

此願言我今二萬歲中供養定光如來及比丘僧衣服飲食牀卧具病瘦醫藥然摩納移我坐處座奪我供養毀我名譽緣此福報因緣在在生處常當毀辱此人乃至成道終不相捨離賈人當知尔時耶若達婆羅門者豈異人乎莫作異觀今執杖釋種是尔時蘇羅婆提女者豈異人乎今釋女瞿夷是尔時勝怨王大臣十二醜婆羅門者豈異人乎莫作異觀今提婆達身是尔時珍寶仙人者豈異人乎莫作異觀今彌勒菩薩是尔時彌却摩納者豈異人乎莫作異觀今我身是賈人當知學菩薩道能供養爪髮者必成無上道以佛眼觀天下無不入無餘涅槃界而般涅槃况復無欲無瞋無恚無癡施中第一爲福最尊受取中第一而無報相也尔時賈人兄弟二人即從坐起復道而去尔時世尊食賈人麩蜜已即於樹下結加趺坐七日不動遊解脫三昧而自娛樂七日已

從三昧起由食麩蜜故身內風動所以名闍浮提地者樹名闍浮提去彼不遠有呵梨勒樹彼樹神篤信於佛即取呵梨勒果來奉世尊頭面作禮已在一面立樹神白佛言世尊由食麩蜜故身內風勤願今可食此果亦呵當食兼以爲藥得除內風時世尊慈愍彼故即便受之告言汝今歸依佛歸依法答言如是即歸依佛歸依法諸神受歸依者呵梨勒樹神最初

尔時世尊食呵梨勒果已於樹下結加趺坐七日思惟不動遊解脫三昧而自娛樂七日後從三昧起到時著衣持鉢入鬱鞞羅村乞

唱一

二十

食漸至鬱鞞羅村婆羅門舍中庭默然而住婆羅門見世尊默然住發歡喜心即出食施與世尊世尊慈愍故即受彼食告言汝今歸依佛歸依法答言如是世尊我今歸依佛歸依法時世尊受此婆羅門食已更詣一離婆那樹下七日中結加趺坐思惟不動遊解脫

三昧而自娛樂時世尊七日後從三昧起到時著衣持鉢入鬱鞞羅村乞食漸至鬱鞞羅婆羅門舍中庭默然而住時彼婆羅門婦是蘇闍羅大將女見如來中庭默然住見已發歡喜心即出食施與世尊世尊慈愍彼故即受其食食已告言汝今歸依佛歸依法答言如是是我今歸依佛歸依法諸優婆夷受歸依佛歸依法者此鬱鞞羅婦蘇闍羅大將女優婆夷爲最初

尔時世尊食彼食已即還詣離婆那樹下七日結加趺坐思惟不動遊解脫三昧而自娛樂時世尊七日後到時著衣持鉢入鬱鞞羅

村乞食漸次至鬱鞞羅婆羅門舍中庭默然而住時鬱鞞羅婆羅門男女見如來已發歡喜心即出食施如來如來慈愍彼故即受其食食已告言汝等今歸依佛歸依法答言尔我等今歸依佛歸依法時世尊食彼食已即詣文驎樹文驎水文驎龍王宮到彼已結加

唱一

廿一

疾陵刻鏤上音克純淑下音熱掘其物欄楮下音
尹反毘力上音朱音下履下音所反毘音刺反使音脛音
屢上音紆主反凸脊上音結反瘦於領鋸音髓音
寬音御却音耶若下音芬馥下音填治上音田音鬘音
莫班反萎鳥反為要誓上音書識下音楚淹反一音踏音
盜音荊反列飄反苗蚊蝥上音文下音觸媯下音乃音

鳥反

平江路磧沙延聖寺比丘志願情昔伏自行年庚戌年十七歲育
初二日建生發心施中統鈔伍伯錠助開本寺
大藏經板流通

聖教仰報

佛恩用資三有乞保現世福壽增崇他生三嚴俱備常作比丘形

未為釋子凡在時中吉祥如意者

大德十年歲在丙午二月

日意願

四分律藏卷第三十二

唱二

第二分受戒捷度之二

姚秦三藏佛陀耶舍共世佛念譯

尔時世尊作是思惟已默然而不說法時梵
天王於梵天上遙知如來心中所念已念世
間大敗壞如來今日獲此妙法云何默然而

一

住令世間不聞耶尔時梵天如力士屈伸臂
頃從彼而來到如來前頭面禮已在一面立
白世尊言唯願如來說法唯願善逝說法世
間眾生亦有垢薄智慧聰明易度者能滅不
善法成就善法尔時世尊告梵天王如是如
是梵王如汝所言我向者在閑靜處而生此
念言我今已獲此法此法甚深難知難解永
寂休息微妙最上賢聖所知非愚者所習眾
生異見異忍異欲異命依於異見樂於巢窟
眾生以是樂於巢窟故於緣起法甚深難解
復有甚深難解處滅諸欲愛盡涅槃是處亦
難見故我今欲說法餘人不知則於我唐勞
疲苦耳時世尊曾見有此二偈非先所聞亦
未曾說
我成道極難 為在巢窟說 貪恚愚癡者
不能入此法 逆流迴生死 深妙甚難解
著欲無所見 愚闇身所覆
是故梵天我默然而不與人說法尔時梵天